

Dana 15.09.2021. godine, ugovorne strane:

1. **Eastern Mining d.o.o.Vareš**, sa sjedištem u ul. Tisovci bb, MBS: 43-01-0404-13, JIB: 4236448780005, koje zastupa Dr.sci. Adnan Teletović, izvršni direktor (u daljem tekstu: Koncesionar)

i

2. **Javno preduzeće Šumsko Privredno Društvo Ze-Do Kantona d.o.o.**, sa sjedištem u Zavidovićima, ul. Alije Izetbegovića br. 25, koje zastupa Devedžić Jasmin, direktor (u daljem tekstu: ŠPD – Korisnik šuma u Zeničko – dobojskom kantonu)

Zaključile su slijedeći:

SPORAZUM O SARADNJI

Član 1.

Ovaj Sporazum o saradnji se zaključuje sa ciljem uspostavljanja saradnje između kompanije Eastern Mining d.o.o. Vareš (Koncesionar) i JP ŠPD ZDK d.o.o. Zavidovići (Korisnik šuma u ZDK) po pitanju zaštite i očuvanja životne sredine sa naglaskom na nadoknade gubitaka biodiverziteta prouzrokovanih aktivnostima Koncesionara na području Zeničko – dobojskog kantona.

Opisane aktivnosti predstavljaju obavezu obje ugovorne strane, te iste izražavaju spremnost da zajednički pristupe realizaciji neophodnih aktivnosti u cilju ispunjavanja iste.

Član 2.

Potpisivanjem ovog Sporazuma, Koncesionar i ŠPD izražavaju spremnost intenziviranja aktivnosti i angažmana vezanih uz poboljšanje stanja i ekoloških funkcija šuma bukve i jele sa smrčom.

Ugovorne strane će izraditi, međusobno usaglasiti, usvojiti i implementirati Operativni plan (poseban akt), a čiji primarni cilj će biti nadoknada gubitaka uzrokovanih projektom Koncesionara.

Član 3.

Operativni plan nadoknade gubitaka uzrokovanih projektom na području građenja i upravljanja oporavkom šuma će ugovorne strane zajednički pripremiti i njime će identificirati područja degradiranih šuma bukve i jele sa smrčom koje treba obnoviti i poboljšati, te definisati mjere i dinamiku realizacije mjera, kao i nadzor i izvještavanje.

Član 4.

Ugovorne strane će naknadnim sporazumima i ugovorima urediti i utvrditi tehničke i finansijske aspekte predmetne saradnje.

Član 5.

U slučaju eventualnog spora, ugovorne strane pristaju spor prvenstveno riješavati mirnim putem. Ukoliko to bude nemoguće ili neuspješno, nadležan je Općinski sud u Zenici.

Član 6.

Ovaj Sporazum stupa na snagu danom potpisivanja od strane obje ugovorne strane.

KONCESIONAR

Eastern Mining d.o.o. Vareš



Adnan Teletović
.....
Dr.sci. Adnan Teletović, Izvršni direktor

21. 10. 2021
847/2021

ŠPD

JP ŠPD ZDK d.o.o. Zavidovići



Jasmin Devedžić
.....
Jasmin Devedžić, Direktor

03-5098/R
21. 10. 2021.